



Saunia e Sister Kristin M. Yee
Fesoasoani Lua i le Au Peresitene
Aoa'o o le Aualofo

Auauna atu i Atatusi

Sa ou tusia ni ata i lo'u olaga atoa. A o o'u laitiiti, sa ou tusiata i taimi uma. Sa fai mai lo'u tina ou te faamatala atu ia te ia le tala mo ata taitasi sa ou tusia. Sa ou faamatala atu ia te ia tala, ma sa ia tusia i lalo mo a'u.

Mai lava i lo'u laitiiti, sa ou manao e avea ma se tusiata. Sa ou fiafia e matamata i ata tifaga komi. Sa ou manao e avea ma se vaega o le faia o se mea faapena. Sa talitonu lo'u tina i taimi uma ia te a'u, ma sa ia fesoasoani mai ia te a'u ia ou talitonu e mafai ona ou faia.

Ina ia lelei atili i le tusiata, sa ou faaitaia soo. Sa ou volenitia mo ni mea. Sa ou tusia ni pepa lautele o i ai se savali mo gaoioiga a le nuu. Sa ou valiina faamalama o faleloa. Sa ou valiina ni fu'a. I se tasi taimi sa ou fesoasoani ai e vali ni vaega [mo faaliga] i se fale mo faaliga o ata ma tala faatino.

O nei aafiaga na aoaoina ai a'u o le tusiata o se auala e mafai ona ou auauna atu ai. Sa ou maua le fiafia e faaoga ai a'u taleni e fesoasoani ai i isi. Sa ou lagonaina le faaosofia atili aua sa ou faia se mea matagofie mo se isi tagata.

Ina ua ou matua, sa avea a'u ma se tusiata mo le Disney. Sa ou taumafaia ni mea fou ma atiina ae ni taleni ou te lei iloina sa ia te a'u. Sa taitai ma taialaina a'u e le Tama Faalelagi i le mea e tatau ona ou i ai.

Aua le fefe e faaitaitai ni mea fou! E le faapea e tatau ona avea oe ma tagata sili ona lelei i se mea ina ia e fiafia i ai. Mafaufau i taleni e mafai ona e faaogaina i le taimi nei e auauna atu ai. Pe a tatou faaogaina a tatou taleni i le ala a le Tama Faalelagi, e fesoasoani o Ia ia tatou tuputupu ae ma atiina ae. ●

Mai se faatalanoaga ma Gretchen Picklesimer Kinney.




ATATUSI MAI FAALOLOGA KRISTIN M. YEE




Ata Minoi
Fai lau oe lava ata! E te iloa loa le faiga, e mafai foi ona e aoa'o atu se isi tagata.


- O LE A E MANAOMIA:**
- Se fasipepa
 - Seleulu
 - O se peni po o se penitala




1. Oti se fasipepa mai le pepa ma gaugau i le afa.



2. Tatala le pepa na gaugau. Tusi se ata i le afa pito i lalo. E mafai ona tusi ai se manu, se tagata, po o soo se mea e te manao ai!



3. Gagau i lalo le pepa. Kopi lolomi lau ata muamua, ae fai ni suiga laiti e fatu ai se lomiga fou.



4. Taai i luga le pepa pito i luga ia mau faataamilo i le peni. Ona faaminoi vave lea o le peni i luga ma lalo e fesui ai i le va o ata e lua. O le a foliga mai o loo minoi lau ata!

